

目錄

南山傳戒儀軌——三壇菩薩戒 分三

甲一、授前請戒懺悔儀 分四.....一

乙一、請戒開導 分四.....一

丙一、請和尚法.....一

丙二、乞戒作白.....三

丙三、和尚開導.....四

丙四、回向.....十

乙二、審戒懺悔 分五.....十一

丙一、集衆迎師.....十二

丙二、開導引禮.....十三

丙三、淨堂請懺.....十四

丙四、懺前開導.....十五

丙五、正審戒遮.....十八

甲二、正授菩薩戒儀 分十三.....二十五

乙一、嚴淨壇場.....二十五

乙二、請師入壇.....二十七

乙三、禮敬三寶.....二十九

乙四、正請師法.....三十一

乙五、開導戒法.....三十二

乙六、請聖證盟.....三十二

乙七、受四不壞信.....三十五

乙八、懺悔三業.....三十七

乙九、發大誓願.....三十八

乙十、正受戒體.....四十二

乙十一、宣說戒相.....四十三

乙十二、受持錫杖.....四十六

乙十三、結讚回向.....五十二

丙六、懺悔回向.....二十

丙七、禮通宵.....二十三

南山傳戒儀軌——三壇菩薩戒

分二

甲一、授前請戒懺悔儀

分二

乙一、請戒開導

分四

丙一、請和尚法

●按《菩薩戒羯磨文》云『若諸菩薩欲受菩薩戒時先應為說菩薩法藏摩怛哩迦菩薩學處及犯處相令其聽受以慧觀察自所意樂堪能思擇受菩薩戒非為他勸非為勝他當知是名堅固菩薩堪受菩薩淨戒律儀』準經所明故知凡受菩薩戒先當請戒開示次則審懺問難如法授受

《大正藏》T24P1105a

●集眾如常見《初壇沙彌戒》「鳴鐘集眾」

◆引禮呼

諸比丘等一齊向上排班聞磬聲至誠禮佛三拜拜已問訊分班
為首者八人出班二人執香迎請和尚至請堂迎請者於門前住立一面

◆引禮向和尚展具具儀三拜互跪合掌白云

彼比丘等。欲求受菩薩大戒。惟願和尚大德忍。僧

某甲

默然允許。

白畢叩
首傍立

◆引禮云

諸比丘等來

進已

◆又云

諸比丘等一齊向上排班 展大具 聞磬聲至誠頂禮三拜

拜已

長跪 合掌 爲首者作白

◆爲首比丘 白云

我

某甲

等。前蒙和尚曲垂方便。已賜比丘具足。今願受

菩薩大戒。如律行持。成道利生。用報恩德。

◆和尚云

善哉可爾。希哉甚善。但菩薩大戒。其中授受。以具戒
比。而百千萬億倍之所不能及。故受之不易。而行之更難。
今汝等既發增進大乘善心。如律嚴持。苟勿違犯。無不允
許。

答

依教奉行。

◆引禮呼

作禮一拜 起具 問訊 分班 末後先行 回戒堂

◆引禮 舉爐香讚

爐香乍爇 法界蒙熏 諸佛海會悉遙聞 隨處結祥雲

誠意方殷 諸佛現全身

南無雲來集菩薩摩訶薩

三稱

第三遍唱
海會雲來集

和尚拈香
三拜陞座

煞引磬三陣

丙二、乞戒作白

◆引禮向上展大具 頂禮三拜 長跪 合掌 白云

仰白和尚。大慈忍聽。彼比丘_{某甲}等。今欲求圓菩薩淨

戒。故先恭詣座前。頂禮啓白。願開甘露解脫法門。傳授

金剛光明寶戒。不悞慈悲。幸垂策導。_{白已三拜 起具 復位 合掌}

◆引禮呼

上香 復位 諸比丘等一齊向上排班 展具

聞磬聲至誠頂禮三拜 長跪 合掌

◆引禮云

諸比丘等。所有乞戒言辭。爲首者代衆。至誠作白。

◆爲首者長跪 白云

我比丘

某甲

等。久已毀形離俗。每懷進道無門。幸值大

和尚涌戒德山。湛毗尼海。由是得以登壇稟具。始預僧倫。更欲息慮投誠。重增大戒。故今頂禮座前。惛^{kūn}悞^{bì}伸請。惟願鑒精虔於一念。降悲愍於群機。均賜菩薩妙善淨戒。令^{某甲}等。修學大乘。契悟心地。即以四弘化導之功。用酬施戒法乳之德。下情不勝。懇禱之至。

◆引禮呼

作禮一拜 合掌 一心諦聽

丙三、和尚開導

◆和尚撫尺 云

諸比丘。汝等今懇切至誠。乞求菩薩妙善戒法者。先須

以三種決定深固大信。發無上菩提心而求之。若信不決定。則不能斷除疑網。心不深固。則不能勇猛勤修。所以發阿耨多羅三藐三菩提心。則能安住大乘。如山如海。不動不搖者。皆由具此一信永信之力也。何等爲三。一者決定深信。一切衆生皆具如來智慧德相。祇因妄想執著而不證得。故今勤修勝行。誓成覺道。願度衆生。咸登佛果。故《梵網經》云。汝是當成佛。我是已成佛。常作如是信。戒品已具足。二者決定深信波羅提木叉戒。是菩提涅槃修證之本因。若無戒爲本修因。如蒸砂作飯。縱經塵劫。終不能成。故《華嚴經》云。戒爲無上菩提本。應當具足持淨戒。若能堅持於淨戒。是則如來所讚嘆。《涅槃經》云。欲見佛性。證大涅槃。必須深心修持淨戒。三者決定深信。一

切諸佛法報化身。清淨光明。無邊相好。皆依持戒。而得莊嚴成就。故《薩遮尼乾子經》云。如來功德身。以戒而爲本。故知上求佛果。克備二嚴。下化衆生。圓滿萬行。有戒則修證不虛。無戒則徒勞何益。汝等若具此三種信力者。方可感求娑婆教主釋迦牟尼佛。爲得戒本師和尚。大智文殊師利菩薩。爲羯磨阿闍黎。一生補處彌勒菩薩。爲教授阿闍黎。十方現在一切諸佛。爲尊證師。十方一切菩薩。爲同學侶。

吾雖受請陞座。但是汝等教誡法師。名曰『秉戒和尚』。謂秉宣佛制。教誡後學故。若於臨期入壇。正受戒時。汝等人人皆要專注一境。頓息諸緣。此身雖在師前。而心必觀想諸佛海會。須知菩薩淨戒。非淺浮之信。散亂之心。

而可納受。故經云。三白受戒羯磨畢竟。從此無間。普於十方無邊無際。諸世界中。現住諸佛。諸大菩薩前。法爾相現。由此表示。如是菩薩。已受菩薩所受淨戒。爾時諸佛菩薩。覩是菩薩法爾之相。知某世界。某名菩薩。某菩薩所。正受菩薩所受淨戒。一切於此受戒菩薩。如子如弟。生親善意。眷念憐憫。由諸佛菩薩。眷念憐愍。令是菩薩希求善法。倍復增長。無有退減。如是菩薩。所受淨戒。於餘所受淨戒。最勝無上。無量無邊。大功德藏之所隨逐。第一最上善心。意樂之所發起。普能滅除。於一切有情一切種惡行。一切別解脫律儀。計分算分喻分。乃至烏波尼殺曇分。亦不及一。攝受一切大功德故。受此戒已。雖復轉身徧十方界。在在處處。不捨菩薩淨戒律儀。由是菩薩。

不捨無上菩提大願。亦不上品纏犯。仗他勝處法故。若轉受餘生。忘失本念。值遇善友。爲欲覺悟菩薩戒念。雖數重受。而非新得。

準斯經文。則知受持比丘戒。名曰僧戒。當在僧中。禮請十師。白四羯磨而得。但盡今生形壽。受持菩薩戒。名曰佛戒。應於師前。啓白諸佛。三番羯磨而得。直至果覺後身。所以釋迦世尊。文殊。彌勒。爲菩薩戒之三師。諸佛爲其證盟。而諸佛菩薩。未離真際。求戒之人。實住此方。能令授受獲益者。良由衆生機感。諸佛道交。如子愈孝。而母愈憐。譬水愈清。而月愈顯。受大乘戒。爲真佛子。諸佛菩薩。慈悲護念。亦復如是。將來爲汝等。欽遵大乘經律。結壇敷座。集衆啓聖。易比丘之自利心。而爲

菩薩嚴土利生之廣大心。轉比丘之別解脫戒。而爲菩薩保解脫之三聚戒。

然此三聚妙戒。體是無作。徧周法界。量等塵沙。假色表顯。雖云受。乃全性起修。不二而二。雖云持。乃全修在性。二而不二。此則佛種從緣起。性修交成故。得斯體已。任運止惡行善。任運利物濟生。於正止行利生之間。實無利生止行可得。以諸法無生。一道真淨故。《起信論》云。以知法性無染污故。隨順起修。行尸波羅蜜。而此性戒之性。佛生共具。蠢動不無。有性即有心。有心皆成佛。《梵網經》云。金剛光明寶戒。是一切佛本源。一切菩薩本源。佛性種子。一切衆生皆有佛性。一切意識色心。是情是心。皆入佛性戒中。但恐汝等。若不能發無上菩提大

願。及現身中有犯七逆罪者。雖佛性之理體。人人本具。未曾欠少。而終難發起戒之當體。經律明條。應當詰問。汝等少頃。且隨衆引禮大德。今夜入懺摩堂中。向羯磨師前。先將各人本所受持戒品。其間若染若淨。一一發露。次依大乘所遮七逆。詳細審明。若根本重戒不破。七惡逆罪不犯。方可如律如法。清淨授受。諸佛讚善。龍天衛守。始謂毗尼住世。而正法得以久住。汝等能依教奉行否。

答
能依教奉行。

◆引禮呼

作禮一拜 一齊起立 問訊 分班

丙四、回向

◆引禮舉回向偈 和尚下座三拜 起具

願以此功德 莊嚴佛淨土 上報四重恩 下濟三途苦

若有見聞者 悉發菩提心 盡此一報身 同生極樂國

◆引禮呼

諸比丘等 一齊向上排班 聞磬聲至誠禮謝和尚三拜

◆引禮呼

迎請者送和尚回寮 待和尚出

◆引禮云

諸比丘等 聞磬聲至誠禮佛三拜 起具 問訊 分班

●引禮交代下次活動儀則 有話則講 無事出堂

乙二、審戒懺悔 分七

●《梵網經》云『與人授戒時 不得揀擇 一切國王王子 大臣百官 比丘比丘尼 信男 信女 姪男姪女 十八梵天 六欲天子 無根二根 黃門奴婢 一切鬼神 盡得受戒』又云『若欲受戒時 師應問言 汝現身不作七逆罪耶 菩薩法師 不得與七逆人現身受戒』故知理性無別 有心者悉皆通收 事障須防 無犯者乃可容受 既於不揀擇中而分揀擇 即身器完美無遮 已經登壇白四羯磨 曾圓比丘戒 今復 增發大心 乞求三聚 由其行布靡逾 不廢住持僧寶 如律如法 謂之正受 受已名曰菩薩比丘也 然審問比

丘 嚴問所持二百五十戒法 苟根本毀破 應當羯磨滅擯 餘聽悔除 仍許進受 若七逆有犯 當如律制所遮 設餘若違 容悔仍淨

丙一、集衆迎師

●集衆如常 見《初壇沙彌戒》『鳴鍾集衆』

◆引禮呼

諸比丘等一齊向上排班 聞磬聲至誠禮佛三拜 問訊 分班

拜已

為首者六人出班 二人執香 迎請羯磨阿闍黎 至請堂

◆引禮呼

諸比丘等一齊向上排班 聞磬聲至誠頂禮三拜 問訊 分班

拜已

末後先行 回戒堂

◆引禮舉讚

真心奚障 妄業成遮 口身無逆器方佳 審問莫蒙差

實答堪誇 剖露現心華

南無香雲蓋菩薩摩訶薩

三稱 師拈香三拜陞座

◆引禮呼

上香 復位 諸比丘等一齊向上排班 問訊 展具

聞磬聲至誠頂禮三拜 拜已 問訊 分班

丙二、開導引禮

●諸引禮出位 展具 頂禮三拜 長跪 合掌

◆羯磨師云

幢樹毗尼。唯在匡扶正法。堂開懺悔。用資佐助諸緣。今諸比丘。欲圓大戒。理合露懺。防有白衣等混入盜聽。祈望諸師詳查出入。彼若如法清淨。我等作辦方成。然大戒欲圓。當淨身意。若犯則律不許容。無染則戒方可受。律制森嚴。人心易怠。須假勝緣。克成善業。今諸比丘於發露時。唯恐昏散。妄誤懺摩。故望衆大德。檢巡察視。整肅懺儀。令彼三業翹勤。一心無怠。可謂曲己成人。幸

勿辭勞。

◆諸引禮齊答 云

如命

一叩禮 起具問訊 歸本位

丙三、淨堂請懺

◆引禮 云

諸比丘等。各稟虔誠。隨我音聲。齊誦大悲神咒。求加
護以淨法筵。仗威力而蠲魔障。

◆引禮 舉

南無大悲觀世音菩薩

三稱

用雙引磬 雙班繞壇 各班首
尾相接 繞壇念誦 接大悲咒

南無喝囉怛那哆囉夜耶

第三徧歸位念至南無喝囉怛那哆囉
夜耶一搥地鐘 向上排班 咒畢接唱

南無甘露王菩薩摩訶薩

三稱 戒子三拜

◆引禮 呼

問訊 長跪 合掌

◆引禮 云

夫法器久成。猶恐琢磨之未至。聖階欲進。先求行履之有初。今則具戒既登。勝心重礪。故我爲汝衆等。焚香敷座。恭請某某堂上上某下某律師。爲審戒問遮懺悔阿闍黎。請師之語。汝合自陳。恐汝未能。我今教汝。各稱自己法名（弟子稱己某甲）其餘言詞。皆隨我道。

大德一心念。我比丘

某甲

等。今請大德爲審戒問遮懺悔

阿闍黎。願大德爲我作審戒問遮懺悔阿闍黎。我依大德故。得入菩薩清淨位。慈愍故。

第三偏大慈愍故

◆引禮呼 作禮一拜 合掌 三請三拜

丙四、懺前開導

◆羯磨師撫尺云

諸比丘。汝等既已殷勤三請。我今爲汝作審戒問遮懺悔阿闍黎。所有言教。各須諦聽。夫教對機談。先漸後頓。律因事制。由身及心。身苟不淨。心戒何從。今既五篇固守。三聚更增。願欲四弘。匪專自利。斯則發廣大之因心。直趨寶所。希如來之果德。不滯化城。具此勝懷。可謂上善。但恐浮囊有損。破器難盛。聖制既違。梵行何立。往愆未雪。修證無由。故毗尼藏云。犯四性重者。退失道果。譬喻如斫頭人。不復還活。斷心樹不復更生。缺鼻鍼不堪復用。分破石不復還合。此是汝等本戒中。法所不容者也。又大乘《梵網經》云。若現身有七遮罪者。師不應與受戒。若無七遮者。得與受戒。以是觀之。小乘七衆犯重。大乘進受無容。大乘若犯七遮。一概盡揀有據。雖曰罪無自性。

理具真常。必要事不毀心。道方合節。

今故先依毗尼藏。審其所受比丘戒中。一一相內。持犯完缺等事。次遵大乘教中。揀其七遮重惡。我今逐一問汝。汝等逐一實答。若不傾心披膽。如實而答者。昔惡既覆。新善難生。縱使隨衆懺悔。此罪何由得除。受戒必不得戒。仍加故妄語罪。當思菩薩大戒。源於心地。心地夾雜。便非戒器。《首楞嚴經》云。汝今欲研無上菩提。當以直心酬我所問。鳴尺一下云汝等能依教奉行否。答能依教奉行。

◆引禮云

諸比丘等一齊起立 聞磬聲至誠頂禮三拜

拜已

長跪 合掌 各各作觀運心稱念

南無十方常住三寶

三拜

◆引禮云

各稱自己法名（弟子某甲）

丙五、正審戒遮

◆羯磨師撫尺云

諸比丘。我今問汝。本所受持。四波羅夷法。汝等應當諦實而答。

●然此中所問戒相 不能全錄廣受 恐人眾延遲 但撮其綱目 要緊以問之 有無實答 後準此

第一 犯不淨行受姪欲法戒。汝於是中有犯否。答無。

第二 有主物不與盜心取戒。汝於是中有犯否。答無。

第三 故斷人命嘆譽快勸死戒。汝於是中有犯否。答無。

第四 實無所知自言我得上人法戒。汝於是中有犯否。

答無。

比丘犯此四法。不得與諸比丘布薩羯磨共住。謂之破根

本。當如法如律。如佛所教。以白四羯磨滅擯。退失無道果分。不得進菩薩大戒。準《目連問經》。犯波羅夷罪者。當墮焰熱地獄中。

◆師撫尺云

諸比丘。具足戒中。其餘戒相。理當詳審。但因菩薩戒。不犯四重及七逆。即可得受。今具戒中。四重既已審明。復有大乘所揀七逆。今當更問。所言七逆者。

第一 出佛身血。是大逆惡。極重之罪。汝有此罪否。

有無實答

答 無。

●若以瞋恚以惡念故毀壞一切佛像舍利塔廟及大乘經典是與佛爲仇例此亦應遮之

第二 弑父。是大逆惡。極重之罪。汝有此罪否。 答 無。

第三 弑母。是大逆惡。極重之罪。汝有此罪否。 答 無。

第四 弑和尚。是大逆惡。極重之罪。汝有此罪否。 答 無。

第五 弑阿闍黎。是大逆惡。極重之罪。汝有此罪否。

答 無。

第六 破羯磨轉法輪僧。是大逆惡。極重之罪。汝有此

罪否。

答 無。

第七 弑聖人。是大逆惡。極重之罪。汝有此罪否。

答 無。

●座上如是審竟 若有犯者 一一注筆分明

◆羯磨師撫尺云

丙六、懺悔回向

汝等前來。各解我語。從實吐露。既於比丘具足戒中謹守。大乘中所遮之七逆無犯。是真淨法器。我今如汝言詞。申復和尚。即為進菩薩大戒。應更至誠。求哀諸佛菩薩。

慈光攝照。證盟懺悔。從於無始。以至今生。三障八苦。咸得蠲除。自於此時。盡未來際。四弘二利。悉皆圓滿。願化同體衆生。共成無上正覺。我爲汝等。焚香舉偈。汝等隨我音聲。如法懺悔。各稱自己法名（弟子某甲）。稱已（師起座拈香復已位）。

◆引禮呼

作禮一拜 一齊起立 問訊 合掌

●羯磨阿闍黎舉唱一句 新戒和唱一句 一句一拜

◆合掌 舉云

往昔所造諸惡業。皆由無始貪瞋癡。

②一切罪障皆懺悔。

從身語意之所生。①今對佛前求懺悔。

③一切罪根皆懺悔。

三唱三拜

● 若於衆中審得有犯根本重戒及七逆者 方可鳴尺 用後警誡
◆ 羯磨師鳴尺 云

前來審問之中。有犯某戒遮者。此是極重罪惡。破壞道器。經律嚴遮。人情難允。我今亦如爾之所言。申復和尚。必遵律制。教敕於汝。但爾來日。不得與諸清淨大眾同期授受。

◆ 師下座至堂中

審戒功德殊勝行。師禮
無邊勝福皆回向。戒子唱 師起 戒子拜

普願沈溺諸眾生。師唱 戒子起
速往無量光佛刹。師起 戒子拜

十方三世一切佛。師唱 戒子起
一切菩薩摩訶薩。師起 戒子拜

摩訶般若波羅蜜。師唱 戒子起 問訊

◆ 引禮呼

諸比丘等 聞磬聲至誠禮謝羯磨阿闍黎三拜

迎請者送羯磨阿闍黎回寮 待師出

◆引禮云

諸比丘等 聞磬聲至誠禮佛三拜 起具 問訊 分班

●引禮師即令諸新戒總詣大殿通宵禮佛

丙七、禮通宵

●休息片刻 令一齊上殿 通宵頂禮本師釋迦牟尼佛聖號 引禮師或沙彌頭帶領

●開堂領東單同唱 陪堂領西單同唱

大慈大悲憫衆生 大喜大捨濟含識

相好光明以自嚴 衆等至心歸命禮

頂禮娑婆教主本師釋迦牟尼佛爲我等作得戒和尚

頂禮大智文殊師利菩薩爲我等作羯磨阿闍黎

頂禮一生補處彌勒菩薩爲我等作教授阿闍黎

頂禮十方諸佛爲我等作尊證阿闍黎

頂禮十方菩薩摩訶薩爲我等作同學伴侶

頂禮西天東土歷代祖師

頂禮律藏會上優波離尊者

頂禮始弘東土梵網菩薩戒鳩摩羅什大師

頂禮終南山道宣律師

頂禮古今弘律演教諸大律師

●三皈依 禮佛三拜 起具 分班 引禮交代明天活動儀則 有事便交代 無事則出堂

甲二、正授菩薩戒儀

分十三

●於正受前 令一齊上殿 通宵禮佛懺悔 以祈加護 願入佛果無上菩提 廣度群迷 共取正覺 及情與無情 同圓種智 《梵網經》第二十三 驕慢僻說戒云『佛滅度後 欲心好心 受菩薩戒時 於佛菩薩形像前 自誓受戒 當七日佛前懺悔 得見好相便得戒 若不得好相 應二七三七乃至一年 要見好相 若不得好相 雖佛像前受戒 不得戒 若現前先受菩薩戒法師前受戒時 不須要見好相 何以故 以是法師師師相授故 不須好相 是以法師前受戒即得戒 以生重心故便得戒 若千里內無能授戒師 得佛菩薩形像前自誓受戒 而要見好相』《菩薩瓔珞本業經 大眾受學品》（《大正藏》T24P1020c）云『佛子受戒有三種受 一者諸佛菩薩現在前受 得真實上品戒 二者諸佛菩薩滅度後 千里內有受戒菩薩者 請爲法師教授弟子 得正法戒 是中品戒 三者佛滅度後 千里內無法師之時 應在諸佛菩薩形像前 胡跪合掌自誓受戒 是下品戒』有梵網大部一百一十二卷 六十一品 全文未傳 此方惟第十心地品流通奉持 故缺師前授法 菩薩瓔珞本業經 及彌勒菩薩所說《菩薩戒羯磨文》中俱明 故今會合加儀 而遵行有據

乙一、嚴淨壇場

●受戒日先莊嚴戒堂 正中敷一高座 供得戒本師釋迦牟尼佛位 左上敷一高座 供尊證師十方諸佛 羯磨師文殊菩薩 教授師彌勒菩薩 同學伴侶十方菩薩位 右上敷一高座

候所請菩薩戒法師 一一座筵皆設香花 時至鳴稚 引禮令受戒者各各持鉢執具 身著一衣帶二衣

●集眾如常 見《初壇沙彌戒》「鳴鐘集眾」

◆引禮呼

諸佛子等一齊向上排班 聞磬聲至誠禮佛三拜 拜已 問訊 分班

◆引禮白云

諸佛子。今爲汝等嚴淨道場。敷設法座。秉受菩薩妙善戒法。汝等先當隨我誦咒結壇。次方入室請師。

◆引禮舉

南無大悲觀世音菩薩

三 用雙引磬雙班繞壇 各班首尾相接 繞壇念誦

南無喝囉怛那哆囉夜耶

第三徧歸念至南無喝囉怛那哆囉夜耶 聞磬聲一齊向上

南無甘露王菩薩摩訶薩

三稱三拜

◆引禮呼

問訊 分班

乙二、請師入壇

●《菩薩戒羯磨文》云 若諸菩薩 欲學菩薩三聚淨戒 當求功德具足 有智有力同法菩薩

《大正藏》T24P1104c

◆引禮呼

諸佛子等 二人執香 一齊迎請三師

●其餘受戒者列隊 莊嚴具同至請堂

◆引禮呼

諸佛子等 一齊向上排班 展具 聞磬聲至誠頂禮三拜

拜已

問訊 長跪 合掌

◆引禮云

夫菩薩戒者。事出非常。憑師乃發。佛前自誓。相好難期。一遇明師。便名得戒。今爲汝等恭請某某堂上_上某_下某律師。爲汝等作菩薩戒法師。請師之語。汝合自陳。恐汝未能。我今教汝。各稱自己法名_{（弟子某甲）}。稱已其餘言詞。皆

隨我道。

大德憶念。我某甲今於大德所。乞受一切菩薩淨戒。惟

願須臾。不辭勞倦。哀愍聽受。三請三拜 此請詞出《菩薩戒羯磨文》

《大正藏》T24P1104c

◆菩薩戒法師云

諸佛子等。汝既殷勤申請。我今可以臨壇。遵依大乘經
律。爲汝秉宣授受。

◆引禮呼

諸佛子等一齊起立 聞磬聲至誠頂禮三拜拜已起具 問訊 分班

鐘鼓齊鳴 未後先行 為首者拿莊嚴具

◆菩薩戒師舉

南無本師釋迦牟尼佛 眾齊稱聖號

●行進次第 二引禮左右對導 莊嚴具 香爐 經 教授師 香爐 經 羯磨師 香爐

經 和尚 右錫杖 左鉢（隨和尚）兩邊餘諸戒子雁行而行

●至堂 二阿闍黎于中高座前左右對立 法師居中 展具 作觀頂禮十方三世三寶九拜
鉢杖隨立其後

◆引禮呼

降伏魔力怨 除結盡無餘 聞此妙響音 悉皆雲來集

三師三拜

南無雲來集菩薩摩訶薩

三稱 三師三拜

鐘聲傳三千界內 佛法揚萬億國中

功勳酬世界和平 利益報檀那厚德

三師 陞座 鉢杖隨侍左右
三拜

◆引禮云

今爲傳授菩薩三聚淨戒說者 問訊 隨喜海衆出班禮佛

●諸引禮師具儀詣中三禮竟 各各依次仍歸本位

◆引禮呼 (三人執香 齊齊一舉 一上佛前 一上菩薩前 一上法師前)

上香 復位 諸佛子等一齊向上排班 展大具

聞磬聲至誠頂禮三拜 撩衣 護鉢 拜已 長跪 合掌

乙三、禮敬三寶

◆引禮云

諸佛子。汝等既發勝心。求受菩薩淨戒。應當作觀運心。

隨我音聲頂禮十方三寶。各稱自己法名（弟子稱已某甲）

◆引禮呼

一齊起立 合掌

●左右引禮或八或六 四人往中對齊一行 展大具 入觀頂禮

●諸受戒者 必須同聲同禮 一切恭謹勿致身口參差 心意散亂

一心頂禮	過去世	盡過去際	一切諸佛
一心頂禮	未來世	盡未來際	一切諸佛
一心頂禮	現在世	盡現在際	一切諸佛
一心頂禮	過去世	盡過去際	一切尊法
一心頂禮	未來世	盡未來際	一切尊法
一心頂禮	現在世	盡現在際	一切尊法
一心頂禮	過去世	盡過去際	一切賢聖

一心頂禮 未來世 盡未來際 一切賢聖
一心頂禮 現在世 盡現在際 一切賢聖

長跪 合掌

乙四、正請師法

◆引禮還立佛前合掌 教云

諸佛子等。今對佛像前。隨我語言。至誠正請菩薩戒法
師。

◆正請云 惟願大德哀愍。授我 某甲 等菩薩淨戒。 三請三拜

◆菩薩戒法師撫尺問云

諸佛子聽。汝是菩薩否。 答 是菩薩。

◆師復言

既是菩薩。汝發菩提心未。 答 已發菩提心。

乙五、開導戒法

◆菩薩戒法師撫尺云

諸佛子聽。汝等今者。欲於我所。受諸菩薩一切學處。

受諸菩薩一切淨戒。謂攝律儀戒

（十波羅夷即止惡也）

。攝善法戒

（八萬

四千法門即行善也）

。饒益有情戒

（慈悲喜捨即度生也）

。如是學處。如是淨戒。過

去一切菩薩已具。未來一切菩薩當具。普於十方現在一切菩薩今具。如是學處。如是淨戒。過去一切菩薩已學。未來一切菩薩當學。普於十方現在一切菩薩今學。汝能受否。

答 能受。

三問 三答

文出《菩薩戒羯磨文》（《大正藏》T24P1105a）

乙六、請聖證盟

◆菩薩戒法師撫尺云

汝諸佛子。既能受菩薩淨戒。能學菩薩學處者。各各起

立合掌。端秉一心。五體投地。隨我伸請諸佛菩薩。爲菩

薩戒和尚。汝等各稱自己法名（弟子）。稱已 師即起座 拈香
某甲 入觀作梵 二阿闍黎同音和

◆引禮呼

一齊起立 合掌

◆和尚舉：

大眾和：

香花迎 香花請 比丘 某甲 等一心奉請

大德釋迦如來一心念。我比丘 某甲 等。今請如來爲我作

得戒和尚。惟願如來爲我作得戒和尚。我依如來故。得

受菩薩三聚十無盡清淨戒。慈愍故。

◆引禮呼

作禮一拜 合掌 三請三拜

◆和尚舉：

大眾和：

香花迎 香花請 比丘 某甲 等一心奉請

大德文殊師利菩薩一心念。我比丘 某甲 等。今請菩薩爲

我作羯磨阿闍黎。惟願菩薩爲我作羯磨阿闍黎。我依菩薩故。得受菩薩三聚十無盡清淨戒。慈愍故。

◆引禮呼

作禮一拜

合掌

三請三拜

◆和尚舉：

大眾和：

香花迎

香花請

比丘

某甲

等一心奉請

大德彌勒菩薩一心念。我比丘

某甲

等。今請菩薩爲我作

教授阿闍黎。惟願菩薩爲我作教授阿闍黎。我依菩薩故。得受菩薩三聚十無盡清淨戒。慈愍故。

◆引禮呼

作禮一拜

合掌

三請三拜

◆和尚舉：

大眾和：

香花迎

香花請

比丘

某甲

等一心奉請

大德十方一切如來一心念。我比丘

某甲

等。今請如來爲

我作尊證師。惟願如來爲我作尊證師。我依如來故。得

受菩薩三聚十無盡清淨戒。慈愍故。

◆引禮呼 作禮一拜 合掌 三請三拜

◆和尚舉：

大眾和：

香花迎 香花請 比丘等一心奉請

某甲

大德十方一切菩薩摩訶薩一心念。我比丘等。今請

某甲

菩薩爲我作同學伴侶。惟願菩薩爲我作同學伴侶。我依菩薩故。得受菩薩三聚十無盡清淨戒。慈愍故。

◆引禮呼 作禮一拜 長跪 合掌 三請已 三師就座而坐

乙七、受四不壞信

◆菩薩戒法師撫尺云

諸佛子等。《瓔珞經》云。禮三寶已。復教受四不壞信。依止四依。所云四不壞信者。蓋吾人所稟體性是一。而於

此一體之中。具得有佛法僧寶及戒故。梵語佛陀。華言覺。謂性體靈覺。照了諸法。非空非有。是名本具之佛寶也。法即軌持之義。謂法性寂滅。而恒沙性德皆可軌持。是名本具之法寶也。僧者。梵語具云僧伽。華言和合衆。謂恒沙妙德。性相不二。理事和合。是名本具之僧寶也。戒者。謂金剛光明寶戒。是一切佛本源。一切菩薩本源。一切衆生佛性種子。是名本具之性戒也。汝等從今信得自心是佛。是法。是僧。是戒。盡未來際身不忘不失。故云四不壞信。雖云體具真常。不無修證。所謂是心作佛。是心是佛。應當歸投住持三寶。納受清淨妙戒。依止修行。方得圓成無上佛果。今對諸佛菩薩座前。一一諦受。歸依之語。汝合自陳。恐汝未能。隨我所道。

各隨師語朗說

我某甲從今時 盡未來際身 皈依佛

我某甲從今時 盡未來際身 皈依法

我某甲從今時 盡未來際身 皈依僧

我某甲從今時 盡未來際身 皈依戒

作禮一拜 合掌 三受三拜

乙八、懺悔三業

◆菩薩戒法師撫尺云

諸佛子。《梵網經》所明。現身有犯七逆者。不得受戒。前夜羯磨師已曾一一詳審。汝等幸皆不犯。故得受戒。今準《瓔珞經》云。受四不壞信已。次當教悔三世罪。而罪所言三世者。謂過去無明種子。爲罪業之因。今生現行。爲罪業之緣。由此現行。熏過去無始以來之業種。因緣和

合。而所作業成。又爲當來罪業之惡因。如是輾轉相資。故令輪回不絕。今憑諸佛菩薩座前。慚愧悔過。若能違今生之現行。則過去業種干枯。未來業因自滅。悔過之言。汝合自陳。恐汝未能。隨我所道。

我

某甲

若過去身口意十惡罪

願畢竟不起盡未來際

我

某甲

若現在身口意十惡罪

願畢竟不起盡未來際

我

某甲

若未來身口意十惡罪

願畢竟不起盡未來際

各隨師語朗
說三悔三拜

乙九、發大誓願

◆菩薩戒法師撫尺云

諸佛子等。悔過已竟。三業清淨。如淨琉璃。內外明照。次應發十四種大願。依而修行。圓滿功德。假使熱鐵輪。

在於頂上旋。終不以此苦。退失所發願。我今對諸佛菩薩座前。一一爲汝等三宣。汝等當向諸佛菩薩座前。心念口言。一一自說。各稱自己法名。（弟子某甲）稱已

◆鳴尺一下云

第一汝等從今時。盡未來際身。常能念佛。親近善知識否。
答能親近。

第二汝等從今時。盡未來際身。常能捨離諸惡知識否。
答能捨離。

第三汝等從今時。盡未來際身。乃至失命因緣不犯戒否。
答不犯。

第四汝等從今時。盡未來際身。常能讀誦大乘經律。問甚深義否。
答能問。

第五汝等從今時。盡未來際身。常能於無上菩提生信心

否。

答
能生。

第六汝等從今時。盡未來際身。若見衆生苦惱時能救護

否。

答
能救護。

第七汝等從今時。盡未來際身。常能隨力供養三寶否。

答
能供養。

第八汝等從今時。盡未來際身。常能孝順父母。敬事師

長否。

答
能孝敬。

第九汝等從今時。盡未來際身。常能捨諸懈怠。勤求佛

道否。

答
能勤求。

第十汝等從今時。盡未來際身。於五塵上諸煩惱生時。

能制伏心否。

答
能制伏。

第十一汝等從今時。盡未來際身。衆生無邊誓願度。汝能度否。

答
能度。

第十二汝等從今時。盡未來際身。煩惱無盡誓願斷。汝能斷否。

答
能斷。

第十三汝等從今時。盡未來際身。法門無量誓願學。汝能學否。

答
能學。

第十四汝等從今時。盡未來際身。佛道無上誓願成。汝能成否。

答
能成。
各宣
三遍

◆引禮呼 作禮一拜 合掌

◆菩薩戒法師撫尺云

諸佛子等。既能發此十四種深弘誓願。我當起座。爲汝等頂禮啓白十方現住諸佛。及諸菩薩。感發汝等圓宗戒體。

汝應一心善聽。作意諦思。當知我初番白竟之時。十方世界妙善戒法。由心業力悉皆震動。我二番白竟之時。十方世界妙善戒法。如云如蓋。覆汝頂上。我三番白竟之時。十方世界妙善戒法。從汝頂門流入身心。充滿正報。盡未來際。永爲佛種。此是無作戒體。無漏色法。由汝增上善心之所感得。是故汝應至誠頂受。

乙十、正受戒體

●經云『能受（戒子）菩薩不起於座（仍然長跪） 能授（戒師）菩薩（起座）對佛像前普於十方現住諸佛及諸菩薩 恭敬供養 頂禮雙足 作是白言……』即下白文 今準義加儀

◆二阿闍黎下座先行 菩薩戒法師在後 至佛像座前 二師分立左右 戒師居中 拈香入觀 三頂禮 長跪 白云

仰啓十方。無邊無際諸世界中。諸佛菩薩。今於某省某

市某寺。此中現有某甲菩薩。於我某甲菩薩所。乃至三說受菩薩戒。我爲作證。惟願十方。無邊無際諸世界中。諸佛菩薩。第一真聖。於現不現一切時處。一切有情。皆現覺者。於某甲受戒菩薩。亦爲作證。慈愍故。

第三編
大慈愍故

如三白謂之三番羯磨

●羯磨如法成已 受者即得戒 戒師與二師回歸本座 非似僧法受具 十師俱坐羯磨應成而已

乙十一、宣說戒相

●上依菩薩羯磨經文 三番啓白聖已 即得菩薩三聚妙善戒體 此依梵網經中 次宣菩薩十重戒相 而俾識相守持 以護戒體故

◆菩薩戒法師撫尺云

諸佛子。菩薩有十無盡戒。應受持。各稱自己法名（弟子某甲）稱已佛子。從今身至佛身。盡未來際。於其中間。

第一 不得故殺生。若有犯。非菩薩行。失四十二賢聖法。
不殺戒能持否。

答
能持。

佛子。從今身至佛身。盡未來際。於其中間。

第二 不得故偷盜。若有犯。非菩薩行。失四十二賢聖法。
不盜戒能持否。

答
能持。

佛子。從今身至佛身。盡未來際。於其中間。

第三 不得故婬欲。若有犯。非菩薩行。失四十二賢聖法。
不婬戒能持否。

答
能持。

佛子。從今身至佛身。盡未來際。於其中間。

第四 不得故妄語。若有犯。非菩薩行。失四十二賢聖法。
不妄語戒能持否。

答
能持。

佛子。從今身至佛身。盡未來際。於其中間。

第五 不得故酤酒。若有犯。非菩薩行。失四十二賢聖法。
不酤酒戒能持否。

答
能持。

佛子。從今身至佛身。盡未來際。於其中間。

第六 不得故說在家出家菩薩。比丘比丘尼罪過。若有犯。
非菩薩行。失四十二賢聖法。不說四衆過戒能持否。

答
能持。

佛子。從今身至佛身。盡未來際。於其中間。

第七 不得故自讚毀他。若有犯。非菩薩行。失四十二賢
聖法。不得自讚毀他戒能持否。

答
能持。

佛子。從今身至佛身。盡未來際。於其中間。

第八 不得故慳惜加毀。若有犯。非菩薩行。失四十二賢
聖法。不慳惜加毀戒能持否。

答
能持。

佛子。從今身至佛身。盡未來際。於其中間。

第九 不得故瞋心不受悔。若有犯。非菩薩行。失四十二賢聖法。不瞋心不受悔戒能持否。

答 能持。

佛子。從今身至佛身。盡未來際。於其中間。

第十 不得故謗三寶。若有犯。非菩薩行。失四十二賢聖法。不謗三寶戒能持否。

答 能持。

諸佛子。已說十波羅提木叉竟。餘有四十八輕戒。待後隨師而學。

乙十二、受持錫杖

◆菩薩戒法師撫尺云

《瓔珞經》云。佛子受十無盡戒已。其受者過度四魔。

越三界苦。從生至生。不失此戒。常隨行人。乃至成佛。又經云。受菩薩戒者。即於此身一念之中。具足八種殊勝功德。一者趣道場殊勝。譬如大鵬一飛過十萬里。菩薩發心。受此大戒。越六趣三乘。直至菩提故。二者發心殊勝。若人一念發起大悲大智。受菩薩戒。即超二乘。如昔有沙彌。侍一羅漢而行。忽發菩提心。求受菩薩戒。此阿羅漢返生恭敬。爲擔衣鉢。讓路而行。三者福田殊勝。假使有人。供養滿閻浮提大阿羅漢。不如供一受菩薩戒者。以彼運心廣大故。四者功力殊勝。受小乘戒。譬如螢火。受菩薩戒。如日光明。一切普照故。五者滅罪殊勝。受戒破犯。猶勝外道。以戒威力。設墮惡道。受罪輕微故。六者受胎殊勝。受菩薩戒者。若在胞胎。常爲天龍善神共守護故。

七者神通殊勝。受菩薩戒者。能攬長河爲酥酪。變大地作黃金。一生中超越千生。一日內廣度群品故。八者果報殊勝。受菩薩戒者。當生蓮華藏海。受法性身。一得真常。永不退轉故。諸佛子等。汝今既受菩薩戒已。即護如是殊勝功德。各各善護守持。於行住坐臥。日夜六時。讀誦是戒。猶如金剛。如帶持浮囊。欲渡大海。如草繫比丘。常生大乘善信。自知我是未成之佛。諸佛是已成之佛。發菩提心。念念不去心。若起一念二乘心者。即非菩薩。是故應當珍敬。慎勿懈怠。汝等既受戒已。更有錫杖大意。汝等請教授阿闍黎。一一開示。

◆教授阿闍黎 云

諸佛子等。汝既受菩薩戒已。是真佛子。當行佛事。《佛

說梵網經云。若佛子。常應二時頭陀。冬夏坐禪。結夏安居。常用楊枝。澡豆。三衣。瓶。鉢。坐具。錫杖等物。而菩薩行頭陀時。及遊方時。行來百里千里。如上諸物。常隨其身。如鳥兩翼。爾時世尊告諸比丘。汝等皆應受持錫杖。所以者何。過去諸佛執持錫杖。未來諸佛執持錫杖。如我今日成佛世尊。亦執如是應持之杖。過去未來現在諸佛。教諸弟子。亦執持錫杖。是故我今成佛世尊。如諸佛法。以教於汝。汝等今當受持錫杖。所以者何。是錫杖者。名曰智杖。亦名德杖。彰顯聖智。故曰智杖。行功德本。故曰德杖。如是杖者。乃聖人之標幟。賢士之名記。趣道法之正幢。建念義之上志。爾時迦葉尊者白佛言。世尊。云何名爲錫杖。云何而當受持。佛告迦葉言。其錫杖者。

所言錫字。其義廣多。不可具陳。略有八義。一錫者輕也。二錫者明也。三錫言不回。四錫者醒也。五錫言不慢。六錫者言疏。七錫者採取。八錫者成也。由此之說。令人輕煩惱。明智慧。能出三界而不違。悟正法而頓醒。斷我慢。疏三毒。採取戒定慧寶。成就無上菩提。此是錫杖之錫字說也。所言杖者。倚也。扶也。謂倚此錫杖。精進修行。能扶我出離三界。故持受。持其錫杖。四鈷應四諦。乃是苦集滅道。十二環應十二因緣。即無明緣行。行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死。將十二環一一送上。此十既如是。一二拭觀已。一切衆生輪回生死。皆由無明。無明滅則行滅。行滅則識滅。識滅則名色滅。名色滅則六入滅。

六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死滅。故云十二環表十二因緣。中召明中道義。上頭應須彌頂。第二應須彌山中夾木應於空。下邊鏤鑽應於須彌根。此錫杖者。梵語隙棄羅。此云錫杖。由時作錫之聲。《根本雜事》云。比丘晨朝乞食。深入長者之家。因招譏謗。歸來白佛。佛令作聲警覺。以杖頭安環。搖動振聲。動可一二。無人聞時。即須行去。律中所言。更有多事。此時難可詳說。但略講而已。謂警毒蟲惡獸等。此乃比丘所執之錫杖。制比丘錫杖之因緣也。今爲汝等方便略說名義。且當爲汝傳授。

◆引禮舉

諸佛子等一齊起立

排班方法

凡單班跨過拜墊轉身向外
凡雙班不動位向上成對面立

●教授師下座

持錫杖從沙彌頭傳起

乃至末

男衆左手執持

大衆念錫杖咒

◆引禮師舉偈（大眾隨唱和）

執持錫杖 當願衆生 設大施會 示如實道

煞偈前接唱

唵 那唎嚩 那唎嚩 那唎咤鉢底 那唎帝 那夜

鉢佇 吽 發吒

●一一傳畢 歸位 將錫杖付侍者

◆引禮呼

復位 長跪 合掌

◆教授師撫尺云

諸佛子等。沙門之法。應如是故。解空得道。執持錫杖。醒悟世間。一切衆生。欲持錫杖者。若不曉得法相。縱持亦無利益。今則說此大義。待後隨師而學。再爲汝等說明。必須如法精持。才得紹隆聖種。是真佛子。

乙十三、結讚回向

◆引禮呼

諸佛子等一齊起立 聞磬聲至誠頂禮三拜 拜已 問訊 合掌

◆和尚撫尺云

以此受戒功德。上報四恩。下濟諸苦。法界衆生。同圓
種智。在會沙門。共證菩提。海衆同音。念佛回向。

◆引禮舉

南無本師釋迦牟尼佛 三師下座至中 收佛號

◆引禮舉

受戒功德殊勝行。 師禮 無邊勝福皆回向。 戒子唱

普願沈溺諸衆生。 師唱 速往無量光佛刹。 戒子起

十方三世一切佛。 戒子起 一切菩薩摩訶薩。 戒子起

摩訶般若波羅蜜 師唱 戒子起同唱 問訊

◆引禮呼

諸佛子等 聞磬聲至誠謝三師三拜

鐘鼓齊鳴 迎請者送三師回寮

◆引禮呼

諸佛子等 聞磬聲至誠禮佛三拜 拜已 起具 問訊 分班 出堂